

Inatsisissatut siunnersuutiniq suliaqartarneq pillugu malitassiat atuuttut allanngortinneqarnissaat pillugu Naalakkersuisut peqquneqarnissaannik Inatsisartunut aalajangiiffigisassatut siunnersuut, taamaalilluni inatsisissatut siunnersuutip nassuiaataani, nunat tamat akornanni pisussaaffinnut nunat tamat akornanni Kalaallit Nunaanni Namminersorlutik Oqartussat malitassaanni pisussaaffinnut tunngatillugu inatsisissatut siunnersuummi nassuiaasioqartassalluni, tassani immikkut inuit pisinnaatitaaffiit aamma nunap inoqqaavisa pisinnaatitaaffiit tunngatillugu. Naalakkersuisut suleriaasiat nutaaq ulloq 1. januar 2025 atuutilissaaq.

(Inatsisartunut ilaasortaq Mariane Paviasen)

Akissuteqaat

(Naalakkersuisut Siulittaasuat)

Siullermeerneqarnera

Inatsisissatut siunnersuutit suliarineqartarnerat pillugu najoqqutassatut malitassianik atuuttunik allanngortitsinissamik Naalakkersuisut peqquneqarnissaannik Inatsisartunut aalajangiiffigisassatut Inatsisartunut ilaasortaq Marianne Paviasen, Inuit Ataqtigiit, siunnersuuteqarneranut Naalakkersuisut sinnerlugit qutsavigissavara.

Inuit pisinnaatitaaffii tassaasut inuiaqatigiinnut nukittuunut tunngaviusut ilagigaat siunnersuuteqartoq tassani Naalakkersuisut isumaqatigaat. Naalakkersuisut assut pingaartippaat nunatsinni aammalumi nunarsuaq tamakkerlugu inuit pisinnaatitaaffiit tunngatillugu ataqqinninneq annertusariaqartoq ersarillunilu.

Inuit pisinnaatitaaffii pillugit Kalaallit Nunaanni Siunnersuisoqatigiinnut tapersersuineq aamma Naalakkersuisut ingerlattuassavaat – siunnersuisoqatigiit suliaassaasa ilaat tassaavoq nunatsinni inuit pisinnaatitaaffii siuarsassallugit illersussallugillu. Tamanna Naalakkersuisut kattuffimmut ingerlaavartumik tapersersuinerisigut uppersarneraqarpoq.

Qulaani oqaaseqaatigineqartut eqqaallugit oqaatigissallugu naleqquppoq, nunani tamalaani pisussaaffiit malinnissaasa qulakkeerteri, inatsisit suliarinerini ilaatigut tunngaviusut nakkutiginerinut ilaatillugu inatsisiliornermi periutsit nakkutiginerinut ilaareemat¹. Siunnersuummi kingunerisassat pingaarutillit tamaasa sianigissallugit aamma taakkua siunnersuutip nassuiaataani nalinginnaasuni matumani ilanngullugit aamma nunani tamalaani pisussaaffiit nassuiassallugit missingiutiniq allakkiatigut oqaasertaliisartup suliaassareerpaa. Tamatuma kinguneraa soorlu assersuutigalugu, pisussaaffinnut akerliusumik siunnersuut malittarisassanut nutaanut aallaaviunersoq imaluunniit inatsit immikkut ittumik suliarineqarsimanersoq nunani tamalaani pisussaaffiit piviusunngortinneqarneranni toqqaannartumik tunngavissaqarnissaata qulakkeerneqarnissaa siunertaralugu, siunnersuutip nunani tamalaani pisussaaffinnut attuumassuteqarfigisaanut nutaamik nassuiaasoqarnissaanut pisariaqartitsisoqarpat missingiutiniq allakkiatigut oqaasertaliisartumut tamanna naleqquppoq. Tamanna pillugu inatsisiliornermi periutsinut najoqqutassat allanngortinnissaat pisariaqanngilaq.

¹Tamanna pillugu immikkoortoq 1.7.3-mi inatsisiliornermi periutsinut najoqqutassat annerusumik atuakkit.

Pisinnaatitaaffiit eqqartorneqartillugit pisussaaffiit aamma avaqqunneqarsinnanangillat. Nunatut innuttaasutullu aamma inuiaqatigiinni nunarsuarmiooqataanermilu tamatta pisussaaffeqarpugut. Pisinnaatitaaffiit pisussaaffiillu ataqatigiipput, taamaattumillu pisinnaatitaaffiit aammalu pisussaaffiit inatsisit sunniutaasa nalilerneqarnerini ersarissumik ilaatinneqartassallutik.

Qulaani taakkartorneqartut aallaavigalugit Naalakkersuisut allannguutissatut siunnersuuteqarput:
Inatsisissatut siunnersuutinik suliaqartarneq pillugu malitassiat atuuttut Naalakkersuisut qulakkiissagaat inatsisissatut siunnersuutip nassuiaataani, nunat tamat akornanni pisussaaffinnut nunat tamat akornanni Kalaallit Nunaanni Namminersorlutik Oqartussat malitassaanni pisussaaffinnut tunngatillugu inatsisissatut siunnersuummi ersarsissumik nassuiaasiortoqartassasoq, tassani immikkut inuit pisinnaatitaaffiitut pisussaaffiinullu aammalu nunap inoqqaavisa pisinnaatitaaffiitut pisussaaffiinullu tunngatillugu.